

寶位而四廻、誰聞薰風之聲、加尊號而一旦、忽驚紫泥之色、稱謂之美、無益于林門、崇重之儀、不堪于輕薄、縱有舊規、可無所據、早罷上皇之峻號、令遂下愚之懇懷、謹言、

仁安三年三月十一日

作者式部大輔永範卿清書中宮大進光長、使院別當權大納言定房卿、

奉答上皇辭號

諱謹言、忽奉駿命、推謝尊名、驚怖之至、意緒易紊、夫前聖之垂規者、後哲之所鑑也、國典既有跡、徽號何爲踰、伏以監國守器之始、纔送夏曆之三載、堯讓臨民之令、偷慕舜日之再中、春昧之甚、當餘熱而心寒、兢惕之深、履薄水而股戰、謬忝受禪之寄、謹獻稱謂之崇、而堅抽撝挹、更賜辭章、縱欲擅閑、伴於白雲、豈敢忘厚禮於粉澤、煩廻聖慮、勿忤愚執、諱謹言、

仁安三年七月十一日諱謹言

○十一日、皇代記、皇年略記、並作十日誤、

停尊號稱太
法皇

〔日本紀略一〕寬平九年七月十日、詔上太上天皇尊號於先皇、○字多十四日丁亥、太上天皇上書辭尊號、天皇上狀不許之、上皇又上書、十五日、太上天皇又手書云、至於封戶總非所受、諸衛分直亦皆可停、昌泰二年十月廿日、太上天皇又謝尊號、

〔管家文章八〕奉朱雀院太上皇○字多勅重請停尊號狀

使者往反、來報再三、初舉佛法附國王之義、次陳天皇棄寶位之情、披讀之中、心神迷亂、雖似急急、不能不言、凡所謂附法國王者、是膺籙受圖之人君、非燒香散花之弟子、偏依虛號、囑以正教、正教之玷、不日而見、又所以逃重累、以委新君者、欲一日萬機、保安社稷、子子孫孫、相傳天下也、尋雲而逐、蹈海而隨、雖在固拒之詞、自妨持念之意、今日以後、勿告斯趣、定損吾神、定傷吾性、至于漢家、曾無舊典、當朝未有前例、彼不行其志也、我遂行其志也、已云出家、何得稱皇、亦曰入道、何不貴僧、求之戒律、問之威儀、年臘次第、衣鉢行列、不可以越之、不可以違之、而今落髮之後、四五日來、爲讀經、請其師、師主恭敬如故、爲共齋